

**ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ ԺՈՂՈՎՐԴԱԿԱՆ ՀԵՐՈՍ
ԱՆԴՐԱՆԻԿԻ ԾՆՆԴՅԱՆ 125-ԱՄՅԱԿԻՆ**

1990 թ. մարտի 6-ին ՀԽՍՀ ԳԱ պատմության ինստիտուտի գիտական կարիներտում տեղի ունեցավ գիտական նստաշրջան՝ նվիրված հայ ժողովրդի ազգային-ազատագրական շարժման ականավոր գործիչ, ժողովրդական հերոս Անդրանիկի ծննդյան 125-ամյակին։ Այն բացեց պատմության ինստիտուտի դիրեկտոր, ՀԽՍՀ ԳԱ թղթակից անդամ Հ. Ա. Ավետիսյանը։ Հայ ժողովրդի ազգային-ազատագրական պայքարի շահակիրներից է ժողովրդական հերոս զորավար Անդրանիկը, ասաց նա։ Իր սխրանքներով անմահացած հերոսի անունն այսօր թեկնածու է համայն հայկական սրտում ու հոգում, հնչում թե՛ մեծի, թե՛ փոքրի սրտերում, ոգևորում ժողովրդին, սատարում նրան՝ հայրենիքին անմեղքորդ ծառայելու վճռաբերում։ Տարիներ շարունակ, գերնդակ բախտի բերումով ու քամահաճությամբ, մեծ հայի և հայրենասերի, հիմարի ժողովրդական հերոսի անունը հայրենիքում մնացել էր ժողովրդի սրտի մի անկյունում, իսկ պաշտոնական շրջաններում ուղեկցվում էր անհարկի որակումներով ու պիտակներով։ Ազգային-ազատագրական շարժման պատմության հերոսական դրվագներով լի մի ամբողջ փուլ փակի և կորստի վտանգի տակ էր։ Անդրանիկի պայծառ անվան վրա, այնուհետև նկատեց Հ. Ա. Ավետիսյանը, սովորեցիք դեռևս 1920-ական թվականների սկզբներին՝ Հայաստանում, Ադրբեջանում և Խորհրդային Միության այլ հանրապետություններում, Մոսկվայում։ Դա արտահայտվեց նաև դիվանագիտական շրջաններում, մասնավորապես ԽՍՀՄ արտաքին գործերի ժողկոմ Գլ. Չիչերինի ելույթներում։ 1924 թ. ապրիլի 28-ին հանդես գալով Մոսկվայի արևելագիտության ինստիտուտում՝ բուլղերիկյան կուսակցության Բաքվի կազմակերպության 25-ամյակին և Ադրբեջանում խորհրդային կարգերի հաստատման 4-ամյակին նվիրված՝ Անդրկովկասի ուսանողության ժողովում, նա ասաց. «Ես հիշում եմ ողբերգական և պաթետիկ նամակների այն երկար շարանը, որ մենք, հատկապես ընկ. Ստալինը, 1918 թ. ստանում էինք ընկ. Շահումյանից, որոնցում լուսաբանվում էր Բաքվի փոքրաթիվ բանակի հերոսական պայքարը մեծ ուժերով հարձակվող թուրքական բանակի դեմ։ Այնտեղ խոսք էր գնում ոչ միայն Բաքվի բանակի մասին, այլ Բաքվի ուժերի հետ կոոպերացված

այլ ուժերի մասին, երբեմն խորթ ուժերի, օրինակ դաշնակցական առաջնորդ Անդրանիկի ուժերի մասին։ Եվ շատերին այնքան էլ պարզ չէր, թե ինչպիսի դեր է խաղում Անդրանիկը միջազգային կոմբինացիաներում։ Ինչ դեր են խաղացել մյուս գործոններն այն ժամանակ ծավալված իրադարձություններում։ Գ. Չիչերինը փորձում էր բացատրություն տալ նաև Անդրանիկի խաղացած դերին։ Քրեմլ-Լիտովսկի հաշտությունից հետո, երբ թուրքական բանակը սկսեց հարձակվել Բաթումի, Կարսի, Արդահանի վրա, ապա և հետո, թուրքերին դիմադրություն ցույց տվեց առաջին հերթին գնեներալ Նազարբեկովը, իսկ նրա բեմահարթակից հեռանալուց հետո պայքարը շարունակեց Անտանտի գործակալ Անդրանիկը։ Անդրանիկը Կովկասից փորձում էր անցնել Ուրմիա՝ Կովկաս շարժվող Դենստերվիլի անգլիական էքսպեդիցիոն շտաբի հետ միանալու, թուրքական հարձակման ճանապարհը կտրելու համար։ Անդրանիկը մարտ մղեց Խոյի մոտ, բայց թուրքական զորքերն Ուրմիան ու Թավրիզը գրավեցին Դենստերվիլից շուտ և նրան ստիպեցին նահանջել։

«Անտանտայի գործակալը, ժանգիլական գործակալը, ադաշնակցական առաջնորդը հասկացությունները կոնցեպտուալ դարձան պատմաբանների և քաղաքագետների համար ու չորվեցին դիտական շրջանառության մեջ և Անդրանիկի պատմությունը ճշյուշվեց նման գործվածքով։ Անդրանիկը որպես դաշնակցական հայտնի գործիչ, գլուխ թոցնող ժամրապետ» պիտակավորվեց նաև 1936 թ., Ադասի Խանչյանին հետմահու քաղաքական գնահատական տալու, նրան նացիոնալիզմի ու դաշնակցությանը հովանավորելու մեջ՝ մեղադրելու ժամանակ։ Դրա հիմքն Արշակ Զուպանյանի 1936 թ. մայիսի 9-ի նամակն էր Փարիզից, որտեղ նա խնդրում էր Հայաստան տեղափոխել իր ժողովրդի ազնիվ և նվիրյալ ծառա Անդրանիկի աճյունը։

Ստերեոտիպը գոյատևեց երկար ժամանակ։ Այն ավանդական դարձավ հատկապես Ադրբեջանի պատմաբանների մտայնության մեջ, որոնք սուտն ու կեղծիքը բարձրացրին նոր մակարդակի։ Ոչ անհայտ Զիա Բուհիաթովը՝ Ադրբեջանի գիտությունների ակադեմիայի և Անկարայի ակադեմիայի անդամն ու նրա հետնորդները սթիպենդիա նոր ստեղծված

դործությունները՝ հիմնովին կեղծելով պատմությունը և Անդրանիկի դերն աղատագրական պայքարում: Անդրանիկի հակաօսմանյան պայքարը նրանք համարում են նաև հակաադրբեջանական պայքար, որն իրր թև խանդարում է «Ժողովուրդների բարեկամության» նման մոտեցումն իր կնիքն էր դնում մեր հանրապետությունում ևս: Պատմաբաններին ստիպում էին լուր, «հաշտվել» վիճակի հետ: Սակայն, վերակառուցման նոր պայմաններում պատմամասնակրը հնարավորություն ստացան նորովի մոտենալ արդյունալի գալարումների մեջ իմաստավորված մեր պատմության փոշեծածկ էջերին: Այժմ, շարունակեց Հ. Ա. Ավետիսյանը, խնդիր է դրված սերունդներին վերադարձնել սուլթանական և երիտթուրքական յաթաղանի տակ խոշտանգված հայ դատի պաշտպան երախավորների պայծառ անունները, նրանց ազգանվեր կերպարը: Լայն ծավալով և խորությամբ աշխատանք է կատարվում Անդրանիկի կյանքին ու գործին նվիրված փաստաթղթերի և նյութերի ժողովածուի հրատարակման նախապատրաստման ուղղությամբ: Այդ աշխատանքին մասնակցում են ակադեմիայի պատմության ինստիտուտը, Մարքսիզմ-լենինիզմի ինստիտուտի հայկական մասնաճյուղը, արխիվային գլխավոր վարչությունը: Աշխատանքները մոտենում են ավարտին: Ժողովածուն կնպաստի Անդրանիկի կերպարն ամբողջության մեջ տեսնելու և պատմության կեղծարարությունը մերկացնելու գործին: Նախատեսված է նաև հրատարակել ազգային-ազատագրական շարժման տարբեր փորձերին նվիրված աշխատություններ:

«Հայ ազգային-ազատագրական շարժման հերոսը խորագրով զեկուցման մեջ պատմական գիտությունների դոկտոր Ա. Ս. Համբարձյանը խոսեց հայդուկային շարժման առաջացման պայմանների մասին: Նա ասաց, որ XIX դ. վերջին, հատկապես 80—90-ական թվականներին, Արևմտյան Հայաստանում երևան եկան մի շարք ֆիդայիներ, որոնք կանգնելով արևմտահայության պաշտպանության դիրքերում, պայքար ծավալեցին թուրքական բռնապետության դեմ: Զեկուցողը հիշատակեց Արարիյին, Աղբյուր Սերոբին, Արմենակ Ղազարյանին (Հրայր, Ուրվական, Դժոխք), Գևորգ Չաուշին և ուրիշներին: Հայդուկային շարժման մեջ մեծ դեր խաղաց Անդրանիկը, որն ազատագրական շարժման ասպարեզ մտավ 1890-ական թվականներին և, գործելով Աղբյուր Սերոբի հայդուկային խմբում, Սեմալի ու այլ վայրերի բնակիչներին պաշտպանում էր սուլթանական կոտորածներից: 1890-ական թվականների վերջերին նա դարձավ հայդուկների տասնապետ, իսկ քիչ ուշ՝ հայդուկապետ և

ծավալեց մի շարք հայանպաստ գործեր, որոնցով բարձրացրեց արևմտահայության մարտական ոգին, նպաստեց նրա ազգային գիտակցության վերելքին: Նշանավոր են նրա գլխավորած Առաքելոց վանքի կռիվը (1902), Սասունի ինքնապաշտպանությունը (1904), սասունցիների դիմագրավումը համիդյան իշխանություններին, որոնք ձգտում էին Սասունը հայաթափ անել: Այդ պայքարի շնորհիվ սուլթանական կառավարությունը ստիպված եղավ հետ կանգնել իր մտադրությունից, և սասունցիները շարունակեցին բնակվել իրենց լեռնաստանում: Իր ժողովրդանվեր գործունեությամբ Անդրանիկը հուշակվեց իբրև քաջ, անկախ ու խիզախ հերոս և գովերգվեց հայ գուսանների, բանաստեղծների ու հրապարակախոսների ստեղծագործություններում:

1904 թ. Անդրանիկը հարկադրաբար դուրս եկավ Արևմտյան Հայաստանից, մեկնեց Եվրոպա և հաստատվեց Բուլղարիայի Ֆիլիպքաղաքում: Այստեղ նա արեց արևմտահայ ազգային-ազատագրական պայքարի մի շարք ընդհանրացումներ և եկավ այն եզրակացություն, որ հայ ժողովրդի փրկության կարևոր պայմաններից մեկն ազգային ուժերի համախմբումն է ու զինումը՝ անկախ բնակչության վայրից: Անշուշտ, նկատեց այնուհետև զեկուցողը, Անդրանիկը զնահատում էր թուրքերի կամ քրդերի հետ համագործակցելը, սուլթանական բռնապետության դեմ ընդհանուր ճակատ կազմելը, սակայն դա համարում էր անհնար, քանի որ այդ ժողովուրդներն իրենց գրաված դիրքերով ու զարգացման մակարդակներով չէին ընկերակցի ստրկացված ու կոտորածներից արնաքամ եղած հայերի հետ: Անդրանիկը միաժամանակ լխառվեց երիտթուրքերի խոստումներով, գտնելով որ նրանք ոչ թե հայ ժողովրդի բարեկամներն են, այլ թշնամիները, թերևս ավելի վատը, քան սուլթանը:

Պատմական գիտությունների դոկտոր Հ. Մ. Պաղտյանի զեկուցումը նվիրված էր Անդրանիկի 1914—1917 թթ. գործունեությանը: Այդ ժամանակաշրջանը, նկատեց զեկուցողը, Անդրանիկի կյանքի ամենահետաքրքրական տարիներն էին: Բուլղարիայից դալով Թիֆլիս, նա մեկնեց Սալմաստի Փայաջուկ գյուղը և ընդունեց առաջին կամավորական ջոկատի հրամանատարությունը (1914 թ. հոկտեմբեր): Երբ սկսվեցին մարտերը Ռուսաստանի ու Թուրքիայի միջև, Անդրանիկի ջոկատն ավելի քան մեկ ամիս կռվում էր թուրքական ու քրդական ուժերի դեմ: Երբ Վան հասնելուն մենում էր մի քանի տասնյակ կիլոմետր, ստացված հրամանի համաձայն Անդրանիկի ջոկատը եկավ Երևան և գնաց Ավան

գլուզը, ուր սկսվեց շոկատի վերականգնումը։ Ապա զեկուցողը կանգ առավ 1914 թ. Դիլմանի ճակատամարտում Անդրանիկի գլխավորած շոկատի սխրանքների վրա՝ Զոկաաը գեներալ Թ. Նազարբեկյանի գլխի գիպի կազմում ջախջախիչ հարված հասցրեց խալիլ փաշայի 12-հազարանոց ուժերին և թրդական ավելի քան 8-հազարանոց շոկատին։ Այս հազարանակր շատ օգնեց Վանի պաշտպաններին, քանի որ եթե խալիլը ջախջախվելով արագ շնահանջեր, մեծ վնաս կհասցնեք Վանին։ Անդրանիկը հասավ Վան, երբ այն արդեն գրավված էր տեղացիների, կամավորների և ռուսական բանակի կողմից։ Անդրանիկի մյուս սխրանքը ռուսական փոքրաթիվ ուժերի հետ գլխի գիպի գրոհով 1916 թ. Բիթլիսի գրավումն էր։

1916 թ. ցարական կառավարությունը ցրեց կամավորական շոկատները։ Նրանք կատարել էին իրենց դերը՝ Արևմտյան Հայաստանը գրավված էր։

Պատմական գիտությունների դոկտոր Վ. Ա. Միքայելյանը զեկուցեց «Անդրանիկը 1918—1919 թթ.» թեմայով։ Նա նշեց, որ Անդրանիկի 1918—1919 թթ. գործունեությունն իր արդիական նշանակությամբ ազգային հերոսի երկարամյա գործունեության թերևս ամենից ուշագրավ ժամանակաշրջանն է։ Էրզրումի ողբերգական անկումից հետո Անդրանիկը հայկական առանձին հարվածող զորամասի

գլուխն անցած ռազմական գործողություններ ծավալեց նախ Ալեքսանդրապոլի գավառում և Լոռիում, դիմագրավելով թուրքական օկուպանտների առաջխաղացմանը, ապա Իրանում, Նախիջևանում, Զանգեզուրում և Ղարաբաղում՝ թուրք-մուսավաթական համատեղ ուժերի անբարենպաստական քայլերը ձախողելու և վերջին երեք հայկական մարզերը Հայաստանի կազմում պահելու համար։ Անդրանիկի գործունեությունն այս շրջանում ուղղված էր բոլոր նրանց դեմ, ովքեր շանտ էին Հայաստանն անջատել Ռուսաստանից։ Անդրանիկն իրավացիորեն գտնում էր, որ գա ողբերգական ավարտ կունենա հայ ժողովրդի համար, նրան թողնելով միայնակ՝ թուրք-մուսավաթական համատեղ ուժերի գեմ-հանդիման։ Նախիջևանն ազատագրելուց հետո նա հայկական այգ մարզը հռչակեց խորհրդային և Ս. Շահումյանի միջոցով այդ մասին տեղյակ պահեց ՌեՍԶ կառավարությանը։ Անդրանիկի զորամասի հաջող գործողությունների շնորհիվ էր, որ Զանգեզուրը պահպանվեց Հայաստանի հանրապետության կազմում և Նոդհհի շոկատների համար հնարավորություն ստեղծվեց 1919 թ. հաջողությամբ շարունակելու Զանգեզուրի համար մղված պայքարը։

Գիտական նստաշրջանի արդյունքներն ամփոփեց ՀեՍԶ ԳԱ թղթակից անդամ Հ. Ա. Ավետիսյանը։